



Saksframlegg

Saksnr:	Utval:	Dato
	Levekårsutvalet	
	Formannskapet	
	Kommunestyret	

Sakshandsamar:	Eining for helsetenester	Reidun Sæbdal
	Arkivnr.: 14/7845	Klassering:

Rullering av alkoholpolitisk plan for Lindås kommune 2016 -2020

Rådmannen sitt framlegg til vedtak

Framlegg til revidert alkoholpolitisk plan 2016 – 2020 for Lindås kommune vert lagt ut på høyring.

Saksopplysningar:

Politisk handsaming

Saka skal til uttale i Levekårsutvalet

Saka skal til innstilling i Formannskapet

Saka skal avgjerast i Kommunestyret

Bakgrunn

I sak 046/1, 11.05.17 gjorde Kommunestyret vedtak om at alkoholpolitisk plan må rullerast med omsyn til mogleg alkoholservering i kommunale bygg. I formannskapsmøtet 1. juni, sak 065/17, orienterte rådmannen om at planen ville bli lagt fram for rullering i levekår 29.8.17. Rådmannen informerte også om at i samband med rulleringa ville det bli gjort ein del redaksjonelle endringar for å gjere planen meir brukarvenleg.

For å få ein betre oversiktleg plan som det er lett å slå opp i og bruke, er noko tekst fjerna, inkludert reglane for prikktildeling. Teksten er for det meste erstatta med visning (lenke) til lov- og forskriftsteksten. Grunngevinga for dette er at det som er bestemt i lov og forskrift er unødvendig å repetere i planen. Det er også gjort endringar i kapittelinnndelinga og tekst er flytta til kapitlet der den naturleg høyrer heime. Formuleringar er gjort meir tydeleg og presis. I kapittel 6 som omhandlar retningslinjer for å avgrense eventuelle skadelege verknader av alkoholskjenking, er avgrensingar for alkoholservering i kommunale bygg meir

utdjupa enn i eksisterande plan. I planen er det i tillegg tatt inn eit nytt punkt om delegering av mynde i alkohol- og skjenkesaker.

Kommentarer til føreslegne endringar i forhold til eksisterande plan.

Kapittel 2 Generelle bestemmelsar

Kapittelet er endra i forhold til eksisterande plan. Her er det tatt inn eit nytt punkt om delegering av mynde til å ta avgjerd i alkohol- og skjenkesaker. Rådmannen ser det som hensiktsmessig at oversikt over mynde er nedfelt i planen.

Kapittel 6 Retningslinjer for å avgrense eventuelle skadelege verknader av alkoholskjenking

Retningslinjer for å avgrense eventuelle skadelege verknader av alkoholskjenking definerer kva kommunen har bestemt skal vere alkoholfrie soner/områder. Retningslinjene er definert i eksisterande plan under pkt 4.2. Det er lagt særleg vekt på at kommunale skular skal vere alkoholfrie soner/områder. Retningslinjene er dei same som i eksisterande plan, men med bakgrunn i sak i kommunestyret om skjenkeløyve i Storstova på Leiknes skule/mogleg alkoholservering i kommunale bygg, har rådmannen i dette planutkastet følgd tilrådinga i opplæringslova og presisert at skjenkeløyve ikkje kan gjevast i kombinerte anlegg for skule og andre formål når desse anlegga vert nytta til kulturelle og sosial føremål utanom skuletida. I planutkastet er det også presisert at Nordhordlandshallen og Lindåshallen ikkje er omfatta av dette.

Kapittel 10 Reaksjonar ved brot på alkohollova

Bestemmelsane om prikktildeling ved brot på alkohollova vart gjeldande frå 01.01.16 og er omtalt i alkoholforskrifta kapittel 10. I eksisterande alkoholpolitisk plan er prikktildelingssystemet lagt inn. I dette planutkastet viser vi (med lenke) til alkoholforskrifta og systemet for prikktildeling.

Før var det ei skjønsmessig vurdering som vart lagt til grunn for inndraging av løyve, medan det no er eit obligatorisk og nasjonalt system som skal sikra meir effektiv oppfølging av regelbrot og ei likebehandling som er føreseieleg. Ved brot på pliktene skal prikkar tildelast etter §10-3 i alkoholforskrifta. I alkoholforskrifta §10-4 vert det gjeve ei opning for å gjera vedtak om færre eller fleire prikkar enn skildra i §10-4 i alkoholforskrifta.

I kapittel 2 i dette planutkastet som omhandlar delegasjon tilrår rådmannen at han får mynde til å gjera einskildvedtak på reaksjonar ved brot på alkohollova etter prikktildelingssystemet.

Prikktildeling (12 prikkar) som medfører stenging/inndraging av løyve rår rådmannen til at formannskapet gjer vedtak jf. Politisk styringsstruktur og reglement for Lindås kommune.

Kommentarer til mindre redaksjonelle endringar i planen

Kapittel 1 Om kommunen si plikt til å vurdere alkoholpolitikken

I dette kapitlet har ein samla informasjonen om formålet med alkoholpolitiske plan og kva områder ein kan nyttiggjere seg planen i det alkoholpolitiske og administrative arbeidet i alkohol- og skjenkesaker.

Kapittel 3 Definisjonar

Uttrykk som er brukt i planen og som er behov for å definere, er forsøkt samla under dette kapitlet.

Kapittel 4/5 Skjenkeløyve og salsløyve i kommunen

Under kapittel 4 og 5 beskriv ein dei ulike typar skjenkeløyve og salsløyve det kan søkjast om, samt vilkår knytta til dei ulike løyvetypane.

Kapittel 7 Behandling av søknader om sals- og skjenkeløyve i kommunen

Behandling av søknader som gjeld sals- og skjenkeløyve og krav til kontroll av søknader er samla under dette kapitlet.

Kapittel 8 Kunnskapsprøven om alkohollova

Ansvar for og gjennomføring av kunnskapsprøven er flytta frå pkt 5.11 i eksisterande plan.

Kapittel 9 Kontroll med sals- og skjenkeløyve

Kontroll med sals- og skjenkestader er flytte frå pkt 6 i eksisterande plan og samla under dette kapitlet.

Vurdering

Alkoholpolitisk plan slik den ligg føre er meir oversiktleg og lettare å finne fram i. Rådmannen ser det som hensiktsmessig at oversikt over mynde til å ta avgjerd i alkohol- og skjenkesaker er nedfelt i planen og at rådmannen får mynde til å gjera einskildvedtak på reaksjonar ved brot på alkohollova etter prikktildelingssystemet.

Rådmannen rår til at det ikkje vert gjeve skjenkeløyve i kombinerte anlegg for skule og andre formål når desse anlegga vert nytta til kulturelle og sosial føremål utanom skuletida. I planutkastet er det også presisert at Nordhordlandshallen og Lindåshallen ikkje er omfatta av dette.

Kontrollutvalet for alkohol har handsama framlegget til revidert plan i møte 15.08.17 og hadde følgjande kommentarer/ innspel:

Kommentar til pkt 6 i planen. « Opplæringslova §9-5 2. setning :» I kombinerte anlegg for skule og andre formål kan det i særlege høve gjerast unntak når desse anlegga vert nytta til kulturelle og sosiale føremål utanom skoletida».

Mindretalet i kontrollutvalet meiner at Storstova på Leiknes skule kjem inn under definisjonen «særlege høve». Det er einighet i utvalet om at det må ein politisk debatt om avveiging av rusfrie soner på skuleområder og definering av «særlege høve».

Tillegg til pkt 10 i planen. « Før var det ei skjønsmessig vurdering som vart lagt til grunn for inndraging av løyve, medan det no er eit obligatorisk og nasjonalt system som skal sikra meir effektiv oppfølging av regelbrot og ei likebehandling som er føreseieleg.

Ved prikktildeling 12 prikkar innan ein 2- årsperiode, skal ein stenge/inndra løyve.

Vedlagte saksdokument:

alkoholpolitisk plan 2016 - 2020 vedteken 16.06.2016(279047)	181081	21.08.2017
alkoholpolitisk plan 2016 - 2020 - framlegg til revidert plan	181082	21.08.2017

Ikkje vedlagte saksdokument:

Doknr	Type	Dato	Tittel på saksdokumentet
Doknr	Type	Dato	Tittel på journalpost